

KANTIK EN HENOR D'AR ZAKRAMANT (1)

Var an ton gallek : *O l'auguste Sacrement.*

DISKAN :

*O Sakramant burzuduz,
Leac'h omp maget gant Jezuz,
Enn'han ema Hor Zalver ; } bis.
Kredi a ran var he c'her. }*

Jezuz, d'an noz kent mervel,
'Ro gallound d'he Ebestel
Da jench ar bara, ar guin
'N he gorf hag he c'hoad divin.

Ar veleien, d'ar gorreou,
A gonsakr gant he gomzou,
Ha Jezuz, mestr braz ar bed,
Ouz ho mouez a zent bepred.

Heb kuitât he varadoz,
E choum aman deiz a noz ;
Choum a ra en hon touez
Dalc'het gant he garantez.

Euz ar guin hag ar bara
Petra joum ? Ne joum ken tra
Nemet ar spesou dister
A guz korf. goad Hor Zalver.

Aman n'hellomp ket koumpren
Ar feiz hebken hor c'helen...
Gant ar feiz sklerijennet,
Ne fazi ket hor spered.

E doare ar sperejou
Eo 'n em laket en hostiou.
Pa vez an hostiou torret,
He gorf sakr n'eo ket rannet.

Neb ia d'ar gommunion
Gant ar pec'hed 'n he galon
A gemer skouer var Judaz,
Hag a ra eun torfed braz.

Mes, pa vez, araok tostâd,
Ar goustianz e stad vad,
Unanet gant Hor Zalver
Guir eurstêd e kaver.

Meylomp, karomp, adoromp.
Eun Doue ker mad ouzomp
Red eo sonjal dreist pep tra
Hen he zonezoun gaera.

Jezuz eo ar Roue braz :
Adorit-hen var he groaz,
Hang en Ee, hag e myster
Sakramant sakr an Aoter.

8NB-2-035

KANTIK HENT AR GROAZ

Ober Hent ar Groaz a zo mont d'ar pevarzek Stasion, ha choum eur pennadik e peu hini anezho, da zonjal e Passion Hor Zalver, dreist holl er poaniou merket var bep taolen

Lakât ar spered da zonjal a zo avoalc'h, heb na ve red ober a c'hinou an distera peden. Eun dra vad eo koulz koude lavaret, e peb Stasion, eur *Bater*, eun *Ave* hag eur *Gloria Patri*, gant eun Akt a Gontrision.

Devosion Hent ar Groaz a zo talvouduz meurbed d'an eneou kristen. Deski a ra dezho kassât muioc'h-mui ar pec'hed, ha karet Hor Zalver a greiz ho c'haloun. En eur ober Hent ar Groaz, e c'hellont ive gounit eun niver braz a Induljansou, pe evitho ho-unan, pe evit an Anaoun.

Var don : *Au sang qu'un Dieu va répandre.*

DISKAN (dirag an Aoter vraz) :

*Heuillomp holl, heuillomp a spered
Jezuz Beteg ar C'halvar ;
Sonjomp en he boaniou kalet,
Sonjomp enno gant glac'har.
O Salver leun a garantez
Dre ho kroaz hag ho poanniou,
Grit ouzomp eur zell a druez,
Pardounit hor pec'hejou. (1).*

KENTA STASION

*Jezuz kondaonet d'ar maro.
Da Bilat, vit beza barnet
Ez eo kasset Hor Zalver ;
D'ar maro ez eo kondaonet,*

Daoust ma oa direbech kaer.
Ha pa glev ar zetanz douget,
Ne ra ket eur glemmaden...
Pebez skouer a basianted
Deomp ni holl he ziskibien ! (2)

(1) En eur vont d'ar Stasion genta : *Sancta Mater...*

Pe e brezonek var ar memez ton :

*Grit ma vezo, Mamm beniget,
Gouliou Jezus krusifet
En hor c'haloun skrivet doun.*

Dirag ar Stasion : *Adoramus te, Christe.*

(2) *Pater. Ave, Gloria.*

Miserere nostri... Fidelium... Sancta Mater.

(1) Great var batrom eur c'hantik gallek bet savet gant an Ded euruz Grignon Monfort.

EIL STASION

Jezuz sammel euz he groaz

Gant he vourrevien d'Hor Zalver
Setu digasset he groaz,
Heb marc'hata e tigemmer
Ar bec'h-se var he ziskoaz.
Jezuz, ar c'hroasiou hor bezo
Da zougen hed hor buez
Grit m'ho digemerimp ato
Gant guir feiz ha karantez.

TREDE STASION

Jezuz a gouez dindan he groaz

Jezuz, dinerzet he vemprou
Gant ar goad hen deuz kollet,
'Gouez d'an douar ; hag e boaniou
Gant al lamm a zo kresket.
Dre an tourmanchou ker skrijuz
Ho peuz'vidomp gouzanvet,
Grit deomp ato, Salver Jezuz
Choum hek koueza er pec'hed

PEDERVED STASION

*Jezuz a zigouez gant he Vamm
* zantel*

Prestik e tigouez Hor Zalver
Gant he Vamm muia-karet ;
Hag ho c'halonou ken tener
Gant ar boan a zo goasket,
Kalonou Jezuz ha Mari
Rannet gant hor pec'hejou,
Ni ziouallo da nevezi,
Divar vremen, ho poaniou.

PEMPED STASION

*Simon ar Syrenenëen a zikour
Jezuz da zougen he groaz*

Aoun a zav gant he vourrierien
Ne varfe dindan he groaz

Lakat reont ar Syrenëen

Da rei dezhan eun taol skoaz.
Pa vez evidomp re bounner
Ar c'hroasiou'rankomp dougen,
Tostait ouzomp, o va Zalver,
Plijet ganeoc'h hor zouten.

C'HUEC'HVED STASION

*Ar Veronik santel a zec'h
he vizaj d'a Jezuz*

En eur velet bijaz Jezuz
Saotret holl gant kranch ha goad,
Ar Veronik trugareruz
D'he gempen a gred tostât.
'Vit an aktou da rapari
A ginnigimp d'Hor Zalver,
Diganthan omp sur, eveldhi,
Da gaout ive grassou kaer.

SEIZVED STASION

Jezuz a gouez evit an eil guech

Ken dinerz eo breman Jezuz
Ma kouez adarre, siouaz !
Hag, er stad-se ken truezuz,
He boaniou zo kresket c'hoaz.
O va Zalver, eur vech savet,
Mar kouezan-me a neve,
Astennit ho tourn benniget,
'Vit ma savin adarre.

EIZVED STASION

*Jezuz a gomz ouz merc'hed
Jeruzalem*

Pelloc'h, var an hent e tigouez
Eur rummad merc'hed euz kær ;
Hirvoudi a reont gant truez
O velet stad Hor Zalver.
Hen ho c'helen da skuill daelou.
Var ar pec'hed kaoz d'he boan.
Var he boan, var hor pec'hejou
Gouelomp ive hon-unan.

NAVED STASION

*Jezuz a gouez evit an derved
guech*

Araok mont beteg ar C'halvar,
Jezuz a gouez eur vech c'hoaz.
Daoust d'he boan, ha daoust d'he
[c'hlaç'har
A nevez e samm he groaz.
Jezuz, 'n eur zével heb dale,
C'houi ro deomp-ni eur gentel:
Poania, mar kouezomp adarre,
Poania buhan du zével.

DEKVED STASION

Jezuz tennet diganthan he zillad

Var ar menez pa zigouezas,
He vourrevien tud diroll,
He vourrevien hen diviskas
Dirag daoulagad an holl.
Dre ar boan ho peuz gouzanvet
Er stad-se, o va Jezuz,
E paeit ar poaniou dlêet
Dan holl bec'hejou inezuz.

UNNEKVED STASION

Jezuz staget ouz ar groaz

Da rei evidomp he vuez
Jezuz hen deuz eur c'hoant-braz,
Ha, poulzet gant he garantez,
En em astenn var he groaz
Ouz ar groaz raktal eo tached
Dre zaouarn he vourrevien,
Red e ve kentoc'h lavaret :
Dre zaouarn ar bec'herien !

DAOUZEKVED STASION

Jezuz a varv var ar groaz

Goude teir heur poaniou skrijuz,
Poaniou 'vel ne oue biskoaz,
Siouaz ! setu maro Jezuz ..
Stouomp holl dirag he groaz !
O Mari, dre ho rann galoun
Dirag Jezuz o vervel,
Diganthan goulennit 'vidoun
Eur maro mad ha santel.

TRIZEKVED STASION

Korf Jezuz distaget ouz ar groaz

Gant daou ziskibl trugarezuz
He gorf sakr zo distaget ;
'Tre divreac'h he Vamm druezuz
Ez eo laket gand resped.
Pa zaimp dre ar gommunion
Da reseo korf Hor Zalver,
D'hen reseo gant devosion
Hor zikourit, Mamm dener.

PEVARZEKVED STASION

Korf Jezuz lakeat er bez

Setu breman he gorf maro
Sebeliet, douget d'ar bez ;
Mes, d'an trede deiz ae'hano
E savo leun a vuez.
Va c'horf-me ive a ranko
Mont heb dale d'an douar
O va Jezuz, grit ma savo
Eun deiz d'an Ee leun a c'hloar.

